



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Petro Sanctæ Mariæ in Aquiro Diacono Cardinali apostolicæ sedis Legato.

urn:nbn:de:hbz:466:1-20020

830 Epistolarum Innocentij III.

prout in vestris privilegiis dicitur contineri, vobis & per vos monasterii vestris auctoritate apostolica confirmamus & praesentis scripti patrocinio communimus. Nulli ergo &c. nostra protectionis & confirmationis &c. Si quis autem &c. Datum Laterani xvi. Kal. Februarij, pontificatus nostri anno sextodecimo.

PRAEPOSITO ET CAPITVLO sancte Marie in Vines, Ianuenibus.

Epist. 169.
Eis conservat
jura parochia-
lia.
Vide supradicta epist.
26.

Quoniam ad instantiam S. de Camilla civis Ianuenensis afferentis quod ad Ecclesiam vestram, cuius parrochianus existit, sine periculo vita accedere non vallebat, venerabili fratri nostro Ianuensi Archiepiscopo dedimus in mandatis ut si dictus civis tantum anni redditus juxta bonorum virorum estimationem assignare veller Ecclesiae memorata quantum a domo sua Ecclesia ipsa percipere consueverat annuatim, daret eidem licentiam oratorium in fundo proprio construendi sine juris prejudicio alieni. Cum igitur inter eundem S. ac vos proponentes quod hujusmodi litterae per veri suppressionem & expressionem mendacij fuerant impetratae coram dicto Archiepiscopo fuisset diutius disputationum, ac idem rei seriem per suas nobis litteras intimasset, nos iis quae Vv. concordicus vester & Vv. Presbyter procuratores partium in nostra proposuere praesentia plenius intellectis, praefatam Ecclesiam vestram ab ipsis civis impetitione super hoc duximus absolvendam. Nulli ergo &c. nostra diffinitionis &c. Si quis autem &c. Datum Laterani xvii. Kal. Februarij, pontificatus nostri anno sextodecimo.

PETRO SANCTÆ MARIAE in Aquiro Diacono Cardinali apostolice sedis Legato.

Epist. 170.
De vicecomi-
tatu Nemau-
ensem.

Cum dilectus filius nibilis vir Simon Comes Montisfortis vicecomitatum Nemaensem, qui nomine nostro teneatur, ad vicecomitatum Biterensem afferat pertinere, discretioni vestrae per apostolica scripta mandamus quatenus inquiras super hoc plenius veritatem, & quod invenieris, cures nobis fideliter intimare. Datum Laterani xxi. Kalend. Februarij, pontificatus nostri anno sextodecimo.

E I D E M.

Epist. 171.
De absolutione
quorundam no-
bilium.
Vide hisp. Albig.
cap. 77.

Et si nobilium virorum Comitis Convenarium & Gastonis excessus graves sint plurimum & enormes, quia tamen humiliter pulsantibus non est Ecclesiae aditus

præcludendus, discretioni tuae per apostolica scripta mandamus quatenus sufficiant ab eis, juxta quod videris expedire, cautione recepta, ipsos reconciles ecclesiastica unitati, & disponas de illis secundum Deum prout de prudentum virorum consilio videris dispondendum. Datum Laterani xi. Kal. Februarij, pontificatus nostri anno sextodecimo.

*In eundem modum scriptum est nobili viro Ut liberati res
Simoni Comiti Montisfortis ut supra* uno folio. sicut filium
Regis Aragonie * id est, supra
p. 167.*

Equo rufo &c. usque orthodoxa, & natum inclytæ recordationis Petri Regis Aragonum, quem tu detines, restitu faciat regno suo, ut de ipsis custodia provideat & disponat. Quocirca nobilitatem tuam rogado monemus & exhortamur attentiū per apostolica scripta mandantes quatenus Legatum ipsum sicut personam nostram, immo nos in ipso, honorificè ac benignè recipias & pertractes, & ejus monitis ac preceptis intendas humiliter & devote. Et quoniam amodò indecens esset ut quacunque occasione natum retineres Regis prædicti, eundem in manibus Legati memorati resignes, ut de ipso provideat sicut viderit expedire. Alioquin super hoc idem Legatus procedet prout in mandatis a nobis viva voce recepit. Datum Laterani x. Kal. Februarij, pontificatus nostri anno sextodecimo.

PETRO SANCTÆ MARIAE in Aquiro Diacono Cardinali apostolice sedis Legato.

Et si Tololanorum excessus gravis sit & enormis, quia tamen sepe & nuper per dilectos filios P. Guitardum & B. Gilaberti nuntios suos pulsarunt ad januam, & humiliter pulsantibus non est Ecclesiae aditus præcludendus, discretioni tuae per apostolica scripta mandamus quatenus sufficiant ab eis, juxta quod videris expedire, cautione recepta, ipsos reconciles ecclesiastica unitati, & sic civitas ipsa reconciliata sub apostolica sedis protectione consistat, non molestanda de cetero a Comite Montisfortis vel aliis fide catholicis, dum in fide catholicæ & ecclesiastica pace duxerint persistendum. Quod si forte satisfacere noluerint, & in errore suo duxerint persistendum, nos per indulgentias innovatas crucis signatos & fideles alios præcipimus excitari ut ad extirpandam peccatum hujusmodi divino freti auxilio injungentes, tam contra ipsos quam quolibet alios receptatores aut defensores eorum, qui plus ipsis haereticis sunt nocivi, proce-

dant in nomine Domini Sabaoth. Datum Laterani VII. Kal. Februarij, pontificatus nostri anno sextodecimo.

NICOLAO TVSCVLANO

Episcopo apostolice sedis Legato, & P.

Subdiacono & familiari nostro.

Epiſt. 173.
De denario B.
Petri in Au-
gia.

CVM, sicut vestra discreto plenè novit, singulæ domus totius Angliae singulos denarios pro censu beati Petri annuatim nobis solvere teneantur, Praelati Angliae, qui eum nostro nomine collegunt, rem invito domino contreditantes, majorem sibi exinde partem non sunt veriti retinere, cum nonniſi trecentas marcas nobis persolverint, & sibi mille vel amplius usurparint. Ut igitur jus Ecclesiæ Romanae servetur illælum, discretioni vestra præsentium auctoritate districte præcipiendo mandamus quatenus prius recipientes ab eis denarium ipsum, prout haec tenus exsolverunt, & eos ad id, si necesse fuerit, per censuram ecclesiasticam appellatione postposita compellentes, firmiter postmodum ex parte nostra injungatis eidem ut residuum cum integratæ persolvant. Non enim videmus quo jure valent se tueri, cum nec concessionem possint ostendere à sede apostolica sibi factam, nec centenariam contra Romanam Ecclesiam præscriptionem probare, maximè si tempora * schismatum subducantur. Si tamen de jure voluerint experiri, præfigatis eis terminum competentem quo per responsales idoneos nostro se conspectui reprecentent, quicquid juris super iis habuerint ostensuri, protestatione præmissa, quod si judicio duxerint contendendum, nos quicquid haec tenus est subtractum, in ipso iudicio repetemus. Datum Laterani v. Kal. Februarij, pontificatus nostri anno sextodecimo.

TVSCVLANO EPISCOPO

apostolica sedis Legato, & Norvicensi

& Wintoniensi Episcopis.

Epiſt. 174.
Scriptor pro
Richardo de
Marisco.
Fuit in posse
Episcopus Du-
nelmensis ann.
1119, ut docet
Matthaeus Paris.

CVM quidam Pontifices & Ecclesiæ rum Praelati de Anglia, qui à dilecto filio Richardo de Marisco jamdudum regis obsequiis infundante in multis existimant se offensos, in quibus fortè culpabilis non existit, moliantur eidem, sicut accepimus, gravamina irrogare, nos ipsi volentes super hoc paterna sollicitudine providere, fraternitati vestra præsentium auctoritate mandamus quatenus quolibet molestatores ipsius ab ejus indebita molestatione per censuram ecclesiasticam ap-

pellatione postposita compescatis. Quod si non omnes iis &c. Vos denique fratres Episcopi &c. Datum Laterani v. Kalend. Februarij, pontificatus nostri anno sextodecimo.

TVSCVLANO EPISCOPO

apostolice sedis Legato.

Epiſt. 175.
Super codem.

LICETOLIM duxerimus providendum ut clerici Angliae, qui pro discordia inter facerdotium & regnum exorta excommunicationis fuerunt vinculo innodati, cum litteris venerabilis fratris nostri Stephani Cantuariensis Archiepiscopi S. R. E. Cardinalis rei veritatem plenariè continentibus ad apostolicam sedem accedenter absolutionis beneficium petituri, & dilectus filius Richardus de Marisco Clericus Regis sine hujusmodi litteris ad nostram venisse præsentiam dinoscatur, quia tamen non creditur id ex contemptu fecisse, sed ejusdem Regis potius urgente mandato, qui ad nos cum festinantia destinabat eundem, nolumus ut ea occasione ab aliquo molestetur, maximè cum ratione & aliis regis negotiis impeditus, facile non valeat super hoc denuo ad sedem apostolicam laborare. propter quod nos sibi despeciali gratia super præmissis fecimus beneficium absolutionis impendi. Ideoque fraternitati tuæ per apostolica scripta mandamus quatenus si eundem propter hoc ab aliquibus contigerit molestari, tu eos ab ipsius molestatione, motione præmissa, per censuram ecclesiasticam appellatione remota compescas. Tu denique, frater Episcope, super te ipso &c. Datum Laterani ut suprā.

RICHARDO DE MARISCO

Archidiacono Norumbrie.

Epiſt. 176.
Recipitur sub
protectione B.
Petri.

SACROFANÆ ROMANA ECCLESIA &c. n*f.* que concurrentes assensu, personam tuam cum omnibus bonis que in præsentiarum rationabiliter possides, aut in futurum justis modis præstante Domino poteris adipisci, sub beati Petri & nostra protectione suscipimus & præsentis scripti patrocinio communimus, ut donec te dignum reddideris, apostolica valeas protectione gaudere. Nulliergo &c. nostræ protectionis &c. Si quis &c. Datum Laterani i i Kal. Februarij, pontificatus nostri anno sextodecimo.

